



Broj: UP1:01-50-2-1990-1/24
Sarajevo, 10.05.2024. godine

Na osnovu člana 26. stav (4) Zakona o slobodi pristupa informacijama u Bosni i Hercegovini („Službeni glasnik BiH“, br. 28/00, 45/06, 102/09, 62/11, 100/13 i 61/23), a u vezi sa članom 193. Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), rješavajući po zahtjevu Transparency internationala u Bosni i Hercegovini za slobodu pristupa informacijama od 22. 4. 2024. godine, šefica Kabineta - savjetnik ministra komunikacija i prometa Bosne i Hercegovine, po ovlaštenju ministra komunikacija i prometa Bosne i Hercegovine broj 04-07-2-371/23 od 9. 2. 2023. godine, donosi

RJEŠENJE **o slobodi pristupa informacijama**

- 1) Transparency internationalu u Bosni i Hercegovini odobrava se pristup informacijama po zahtjevu od 23. 4. 2024. godine.
- 2) Podnositelju zahtjeva iz tačke 1) dispozitiva traženi podaci dostavljaju se u formi tabelarnog prikaza.

O b r a z l o ž e n j e

Transparency international u Bosni i Hercegovini obratio se 22. 4. 2024. godine Ministarstvu komunikacija i prometa Bosne i Hercegovine (u daljnjem tekstu: Ministarstvo) zahtjevom za slobodu pristupa informacijama u skladu sa odredbama Zakona o slobodi pristupa informacijama u Bosni i Hercegovini („Službeni glasnik BiH“, br. 28/02, 45/06, 102/09, 62/11, 100/13 i 61/23, u daljnjem tekstu: Zakon).

U zahtjevu je navedeno da se traži pristup informacijama, odnosno: *informacije o ukupnim izdvajanjima za bruto plate i naknade za 2022. i 2023.; informacije o zaposlenicima sa kojima ste zaključili ugovor o radu tokom 2022. i 2023. (ime i prezime zaposlenika, radno mjesto, stepen školske spreme, informacije o pripadajućoj osnovnoj plati); kopije ugovora o djelu koje ste zaključivali tokom 2021., 2022., i 2023. (iz ugovora treba biti vidljivo ime i prezime angažovanog lica i iznos naknade, dok se lični podaci mogu anonimizirati).*

Postupajući po predmetnom zahtjevu, Ministarstvo je, u skladu sa članom 26. stav (1) Zakona i Vodiča o slobodi pristupa informacijama broj: 01-04-50-2-3460/12 od 28. 5. 2012. godine, poduzelo sve potrebne radnje kako bi prikupilo tražene informacije i razmotrilo sve činjenice i okolnosti koje su značajne za obradu predmetnog zahtjeva.

U skladu sa članom 23. Zakona, utvrđeno je da je zahtjev uredan.

U konkretnom postupku, informira se podnositelj zahtjeva da su ukupne plaće i naknade za 2022. iznosile 3.884.820 KM, od toga bruto plaće i naknade plaća su iznosile 3.352.235 KM, a naknade troškova zaposlenih 532.585 KM. Ukupne plaće i naknade za 2023. su iznosile 4.606.346 KM, od toga bruto plaće i naknade plaća su iznosile 4.022.027 KM, a naknade troškova zaposlenih 584.319 KM.

S tim u vezi, u skladu sa članom 22. stav (4) Zakona, odobrava se pristup traženim informacijama. Kako je broj stranica tražene dokumentacije manji od 20, ona se, kao prilog ovog rješenja, u smislu člana 24. Zakona, besplatno dostavlja podnositelju. U skladu sa navedenim, odlučeno je kao u dispozitivu ovoga rješenja.

Uputstvo o pravnom lijeku: Protiv ovog rješenja dozvoljena je žalba Žalbenom vijeću pri Vijeću ministara Bosne i Hercegovine u roku od 15 dana od dana njegovog prijema.

U slučaju da podnositeljica zahtjeva nije zadovoljna postupanjem ovog organa, ima pravo obraćanja Ombudsmenu za ljudska prava Bosne i Hercegovine, Akademika Jovana Surutke 13, 78 000 Banja Luka.



PO OVLAŠTENJU MINISTRA
Sanja Skuletić-Malagić

Prilog: kao u tekstu

Dostavljeno:

- Transparency international BiH, Krfska 64e, 78000 Banja Luka;
- spis predmeta;
- a/a.